

墨

緣

彙

觀

錄

余性本迂疎志居澹泊自髫年以來凡人生所好者
如聲色之玩琴奕之技皆無所取惟嗜古今書畫名蹟
以自娛每至把玩如逢至契日終不倦幾忘餐飲自亦
知其玩物之非而性之所好情不能已也迨後目力日
進南北同志人士徃徃謔謂余能鑒別有以法書名繪就
政於余者又或閒有持舊家之物求售與余者以致
名蹟多寓目焉然適目之事如雲烟一過凡遇古人手
跡得有心賞者必隨筆錄其數語存貯笈笥以備粗爲
觀覽忽忽年及六十回憶四十年所覩恍然如夢感今

追昔不無悵然陳后山有云晚知詩畫真有得却悔歲月來無多余雖不悔却惜歲月無多暇日遂將平昔所記擇其尤者復爲編次彙成卷帙雖未敢擬諸米家書畫史清河書畫舫諸書偶一展閱得歷朝墨妙紛然在目亦足以誌余之所好云因名其錄爲墨緣彙觀時乾隆壬戌七月十二日松泉老人識於古香書屋

法書上卷目錄

魏

鍾繇薦季直表

西晉

陸機平復帖

索靖出師頌

東晉

王羲之袁生帖 裹鮓帖 遠宦帖 臨魏鍾繇

古千文 行穰帖

王獻之送梨帖 東山帖

王珣伯遠帖

唐

虞世南臨王右軍蘭亭序

歐陽詢卜商讀書帖 張翰思鱸帖

褚遂良模王右軍蘭亭序

趙模行書千字文

顏真卿潘氏竹山堂聯句 湖州帖

柳公權小楷度人經 蒙詔帖

李郢七言詩稿

僧懷素自敘 苦筍帖 論書帖

僧高閑半卷草書千文

唐臨黃庭經

唐臨右軍二帖

北宋

徽宗瘦金書千字文 欲借風霜二詩帖

王著草書千字文

李宗諤銅魚詩帖

李建中土母帖

林逋秋深三君二帖

葉清臣大旆帖

范仲淹與尹師魯二帖

范純仁軒馭帖

范純粹故人帖

沈邁屯田帖

錢公輔別久帖

歐陽修上恩帖 灼艾帖

蔡襄謝賜御書詩 持書帖 暑熱帖 離都帖

山居帖 八帖 大研帖 思詠帖 謝郎

帖 陶生帖

富弼溫柑帖

文彥博內翰帖

司馬光天聖帖

張方平名茶帖

趙抃山藥帖

呂公弼子安帖

王安石書楞嚴經旨要 過從帖

韓絳寄冲師長老詩帖 陞見帖

韓絳瞻懷帖

韓縝欽聞帖

呂大防台慈帖 示問帖

唐垌珍翰帖

孫甫虞候還帖

蒲宗孟夏中帖

章惇會稽帖

蘇軾洞庭中山二賦 新歲展慶人來得書二帖

寒食詩 覆盆子帖 子高帖 職事帖

功甫帖 書杜工部橙木詩 書子由夢中詩
帖 一夜帖 東武帖 見戲耳聾詩帖

蘇轍車馬帖

蘇邁辱書帖

蘇氏一門十二帖

蘇氏一門十一帖

黃庭堅松風閣詩 廉頗藺相如傳 草書談道

章 花氣詩帖 苦筍賦帖 垂顧帖 糟薑

銀杏帖 天民知命帖 雲夫帖 南康帖

迎駕帖 君宜帖 惟清道人帖 動靜帖

題葛稚川移居詩

米芾多景樓詩 二帖 淡墨秋山詩帖 秋暑

憩多景樓詩帖 穰侯出關詩帖 三吳詩帖

砂步二詩帖 府公帖 三帖 鶴林甘露

帖 伯老台坐帖 鄉石帖 紫金研帖 提

刑殿院帖 糧院帖 彥和帖 真脈帖 陳

攬帖 參政帖 寒光二帖 四帖

呂嘉問進職帖

趙令時賜茶帖

張商英女夫帖

王素才德帖

王覲平江帖

李之儀別紙帖

裴煜秀州帖

林希風範帖

蔣之奇辱書帖

曾鞏局事多暇帖

曾布還朝帖

曾肇奉別帖

曾紆草履帖

陳瓘仲冬帖

陳陽七言詩帖

錢勰先起居帖
知郡帖

王鞏冷淘帖

薛紹彭三詩帖
得告帖
昨日帖

劉正夫又啓帖

王升杜門帖

邵鰈到京帖
來教帖

王巖叟清範帖

張舜民潭州帖

陳師錫歲宴帖

劉燾牛尾帖

李彭家兄帖

蔡京節夫帖

蔡卞四兄帖

蔡絛子通帖

墨緣集觀錄卷一

法書上

魏

鍾繇薦季直表卷

白紙本高三寸九分長一尺一寸八分紙古紋起若
琴斷正書十九行墨氣如漆神彩煥然前書臣繇言
臣自遭遇先帝忝列腹心後書黃初二年八月日司
徒東武亭侯臣鍾繇表表內謹言二字下押朱文貞

觀連珠小璽後下角隱隱有^淳化半璽前鈐宣和小
璽後綾上角押紹興小璽帖中有賈似道朱文小印
本帖四面用月白宋綾鑲裱上下前後舊印累累以
及河東開國彭城開國潁川開國朱文大印子孫世
昌白文大印又白文米芾之印樓鑰白文鑰字印賈
氏悅生葫蘆朱文印及袁氏陸氏印王元美家諸印
後紙有劉岑觀李木敬覽二題字甚沉着古雅又陳
經許懋同觀後綾隔水書嘉定丙子十月二十五日
重裝後紙有元人陸行直鄭元祐題又袁泰二題皆

力爲贊美脫然無疑爲真蹟入明又經沈啓南
李吳二公跋稱華氏爲之模刻諦觀文跋且有安能
置喙其間之語余又何敢著一辭後王弇州三題極
其稱許又俞允文莫是龍文嘉張鳳翼等題內有華
氏朱文眞賞葫蘆印華夏白文印王氏長條關防印
卷經陳以御高平湖宋商邱所收偶於乾隆甲子重
陽前五日有客持此來售余因久病杜門聞之喜不
自持邀客坐古香書屋共賞稱歎遂以重價易之時
是錄已成意謂此卷生平不能一覩故以西晉爲首

何幸衰朽餘年復能得此墨妙事屬奇甚豈非與翰
墨有因緣耶卷外籤鄭谷口隸書標題裝用古錦包
首脂玉黃螭出軸脂玉插籤甚爲精美

西晉

陸機平復帖卷

牙色紙本紙古隱紋如琴斷草書九行字大五分許
相傳平原精於章草然此帖大非章草運筆猶存篆
法其文苦不盡識卷前黃絹隔水上有月白絹籤宣
和金書標題晉陸機平復帖六字下鈐雙龍圓璽前

後鈐宣政小璽後有政和連珠大璽前又一古
籤題晉平原內史吳郡陸士衡書晉平二字已剝落
本帖左下角有白文張丑之印後紙董文敏小行楷
一跋內云右軍以前元常以後唯存此數行爲希代
寶此卷余得見於真定梁氏世傳晉跡未有若此而
無疑議者卷外裝藍地宋刻絲花鳥包首脂玉出軸
碾花脂玉插籤以朱蝦鬚倭簾裏之俱爲美觀

索靖出師頌卷

淡牙色紙本光瑩堅厚紙墨如新章草十四行筆法

淳古帖內前後舊印累累押有王涯永存珍祕印鍾
紹京印宋內府紹興連珠小璽內殿祕書之印及朱
文箋笠軒大印歷代永珍朱文印又劉氏二印後紙
米友仁紹興九年四月七日一跋定爲隋賢書後又
二跋一未款一導江張達善皆意爲索靖書然此本
是晉是隋俱不失爲神妙之跡前引首篆書晉璽二
字於龍箋上後一押上蓋御府圖書一印爲南渡宋
帝書考幼安出師頌宣和書譜曾經記載戲鴻堂藏
之刻石南宋王崧刻雲澤法帖亦有出師頌爲

雲書余取二家刻本與此書較對字畫不甚符合世
間別有出師頌無疑此經王敬美所藏王氏昆仲必
有題識今卷內無存按弇州續稿所載跋云史孝山
出師頌係古章草法在宋時有兩本天府志索幼安
所謂銀鉤之敏而人間則盛推蕭子雲余舊於文壽
承所見一卷上有祐陵泥金御題征西司馬索靖書
與宣和瓢印蓋天府本也第黠鸛不甚可別細翫其
行筆處亦似微蹇澀往往有楓落吳江之恨今年秋
家弟敬美購得一卷其大小行模相彷彿而結法特

加適密古雅墨氣如新又有太平公主胡書王涯僕射永存珍祕二印越國公鍾紹京半印楮尾米友仁數文鑒定以爲隋賢書遂入紹興內府余竊謂二跡皆自幼安臨出特紹興之所入者佳而宣和之所藏當小次耳小米不能別所以而槩以隋賢目之大似暗中摸索余良幸獲再觀此希世之珍所小不滿者子雲竒跡遂以永絕令人慨歎

東晉

王羲之袁生帖卷

白紙本堅薄而潤光潔如新草書二十五字昇元帖
淳化閣曾刻黃絹隔水上有宋徽宗金書月白絹標
籤題晉王羲之袁生帖七字六璽具備緋紅奪目本
帖左下角有一朱文大古印文不能辨後紙壓內府
圖書之印文衡山一跋小楷甚精明錫山華氏亦曾
摹刻諦觀此帖用筆確合重若崩雲輕如蟬翼之論
墨氣濃淡中轉折頓挫着眼立辨非雙鉤填廓者比
宜命爲真跡余得於松江王氏卷外用朱刻絲仙山
樓閣包首古色淡雅可稱佳品

裏鮓帖卷

冷金紙本墨氣紙色奕奕動人草書三行十八字米
海嶽書史曾經記載爲薛道祖所收唐模最精者帖
內書有紹彭二字並弘文之印米姓祕玩書印第二
行內當字旁注一欽字乃蘇舜欽也後又崇嗣二字
自爲徐崇嗣所收觀清河書畫舫此帖薛氏已刻石
贊其後贊有崇嗣與欽鑒賞同好之句是知曾經蘇
徐所收無疑也前有亡宋南廊庫經手郭溥長條墨
記前綾隔水有宋紙標籤題王右軍裏鮓帖妙品上

上字法宣和清勁不俗後宋綾隔水上有漢陽空廷
相雙檜堂書畫私印瑞文圖書賢志堂趙氏子昂句
曲外史貞節堂齊郡張紳士行陳彥廉喬氏等印及
王常宗印後紙有米元暉紹興乙丑歲一題後押米
氏二字白文印按書畫舫所載薛氏題贊云右軍爲
書暮年更妙裏鮓旣出眾帖咸少蓋其暮年縱心所
造開元珍藏弘文祕奧崇嗣與欽監賞同好龍鳳騰
儀日星垂耀陳雷不嗣隱如霧豹清閤于歸是則是
倣

遠宦帖卷

冷金紙本草書六行紙墨精彩淳化閣曾刻唐人雙
鉤無疑黃絹隔水宣和墨題晉王羲之遠宦帖七字
上鈐雙龍方璽前後鈐宣和連珠璽大觀宣和小璽
後有羣玉中祕鈐璽後紙押明昌御覽大璽及秋壑
圖書北燕張氏印明項墨林諸印

臨魏鍾繇古千文卷

白紙本與袁生帖紙無異行書一百八行前銜款魏
太尉鍾繇千字文右軍將軍王羲之奉敕書首句二

儀日月雲霧嚴霜起字大如錢末尾謂語助者焉哉
乎也等字倍大其文不克讀蓋初未編次逮後梁武
始命周興嗣次韻耳米海嶽寶章待訪錄曾經記載
前黃絹隔水上有金書月白標籤雙龍圓璽宣和鈐
璽晉國奎章大印隔水前押御書半鈐瓢印本紙有
祕府瓢印內殿珍玩明昌寶玩晉府書畫之印希世
之寶子孫寶之珍祕二字等印及秋壑圖書後絹隔
水鈐政宣小璽又歐陽玄楊士奇印後紙有郡王中
祕明昌御覽大璽又悲存高遠朱文大印平海軍節

度使之印前有荷字編號爲項氏墨林所藏鬱岡齋
曾經摹刻

行穰帖卷

硬黃紙本草書兩行十五字唐模至精者首有宋徽
宗金書月白絹標籤前後黃絹隔水押官和五璽鮮
豔奪目後紙押內府圖書之印董文敏小楷一行釋
足下行穰九人還示應決不大都當佳欸書其昌釋
文末角有用卿吳廷二白文印又月白絹隔水董文
敏行書題云東坡所謂君家兩行十三字氣壓鄒侯

三萬籤者此帖是耶董其昌審定並題後紙文敏二
題一行書題云宣和時收右軍真跡百四十有三行
穰帖其一也以[淳]化官帖不能備載右軍佳書而王
著不具立覽僅憑倣書鋟版故多於真跡中挂漏如
柏卿帖米海岳以爲王書第一猶在官帖之外餘可
知已然人間所藏不盡歸御府卽歸御府或時代有
先後有[淳]化時未出而宣和時始出者亦不可盡以
王著爲口實也此行穰帖在草書譜中諸刻未載有
宋徽廟金標正書與西昇經聖教序一類又有宣和

政和小印其爲內殿祕藏無疑然觀其行筆蒼勁兼
籀篆之奇蹤唐以後虞褚諸名家視之遠愧眞希代
之寶也何必宣和譜印傳流有據方爲左券耶萬歷
甲辰冬十月廿三日華亭董其昌跋於戲鴻堂後又
一題云此卷在處當有吉祥雲覆之但肉眼不見耳
已酉六月廿有六日再題同觀者陳繼儒吳廷董其
昌書此題行書字大如小拳更爲精極內附孫退谷
一柬押硯山齋朱文小長印

王獻之送梨帖卷

牙色紙本宣和書譜米氏書史俱載草書十一字內
送字已闕紙墨_淳古神彩奕奕卷首絹上朱書標題
一行後有柳公權文與可二跋帖多收藏舊印及董
史祕旣朱文印卷爲明王敬美曾收王氏昆仲及王
穉登文嘉莫雲卿詹景鳳周天球皆有跋又董文敏
以鏡面箋臨此帖並書蘇詩附於後甚佳爲卞少司
寇令之續入者陳香泉云大令有鴨頭丸帖甚精惜
未一見

東山帖

白紙本行書四行三十三字內闕四字帖內有內府
書印紹興連珠小璽機暇清玩之印及文徵明吳廷
印此帖孫退谷評是米跡誠謂定論因戲鴻堂刻石
於送梨帖後姑附之明吳江村亦列入王帖中又右
軍大道帖十字硬黃紙本有趙松雪跋鬱岡齋曾刻
少宰亦云爲米老良是

王珣伯遠帖卷

牙色紙本行草五行字大寸許有自然沉着之氣非
唐模雙鈎者此帖前後有半鈐古印其文難辨前綾

隔水董文敏題晉王珣伯遠帖後綾隔水文敏小行
楷一跋云晉人真跡惟二王尙有存者然米南宮時
大令已罕謂一紙可當右軍五帖況王珣書視大令
不尤難觀耶旣幸子得見王珣又幸珣書不盡湮沒
得見吾也長安所逢墨跡此爲尤物戊戌冬至日董
其昌題又延陵王肯堂一跋考此帖曾入宣和祕府
然無黃絹隔水及標題璽印必久經流落致諸鑒家
亦無見聞思翁云幸書不盡湮沒良然

唐

虞世南臨王右軍蘭亭序卷

白麻紙本墨色黯淡神彩備具有自然淳古之氣發
平楮墨之間前宋綾隔水鈐押天厯之寶本帖前上
角鈐圖書二字朱文半印下角有內府圖書朱文印
後有紹興連珠小璽斯文下有長方一前後半鈐舊
印累累其文難辨左下角書臣張金界奴上進後綾
隔水上下鈐紹興二璽及御府之印又張氏珍玩北
燕張氏寶藏二印後有淳熙五年十月朔魏昌楊益
同觀明初宋金華以及張東海董華亭朱之蕃王衡

陳繼儒等跋世稱天厯蘭亭者是也此本用筆結體
全類開皇刻本蓋唐模之最佳者董文敏陳眉公定
爲虞書則未敢輕許卷多吳江村馮涿鹿收藏印戲
鴻堂曾刻

歐陽詢卜商讀書帖

淡牙色紙本堅厚光潤墨氣精彩行書六行五十三
字黃絹隔水宣和墨題唐歐陽詢書上押雙龍方璽
下角宣和連珠小璽本帖右下角鈐一朱文大印後
上角鈐有印痕必政和小璽下角又半鈐一印上蓋

宣和小璽此帖快雪堂曾經入石

張翰思鱸帖

白麻紙本行書十一行帖內四角鈐紹興連珠大璽
後押紹興連珠小璽前後有半鈐四印模糊難辨後
紙半鈐之印二字朱文大印下押賈似道曲脚封字
半印又瘦金書一題字雖勁拔然非徽宗書帖爲宣
和書譜所載復歸紹興御府所收蓋靖康之變流落
人間未經北去者余曾收率更行書千文一卷運筆
結體全類此帖上有紹興連珠小璽並賈似道悅生

葫蘆印封字大印又朱文淡齋二字及緡雲等印後
王晉卿大草書一跋亦所罕覩者爲人索去不知流
落何所每一念及爲之慨然余幸刻石不致湮沒也
褚遂良模王右軍蘭亭序卷

白麻紙本紙墨洄古神彩照人每一展卷心目俱暢
唐模無疑者前宋綾隔水墨題褚模王羲之蘭亭帖
下鈐御府圖書一印本帖前首有太簡二字白文長
方小印下角押機眼清玩之印後斯文二字下押長
方一印文不能辨內有勝中一印及紹興小璽秋壑

圖書子固彝齋等印後紙接縫處鈐內府書印機暇
珍賞睿思東閣三印米元章詩題行楷百十一字清
勁峻逸本體而兼褚法押有元章大小九印又滕中
一印滕中宋時人按稊帖綜聞所載此卷曾在滕中
處元章已及之又第後一紙有機暇珍賞楚國米芾
忠孝之家及笥字等印後題天聖丙寅年正月二十
五日重裝乃蘇耆書上蓋忠孝之家印又范仲淹王
堯臣米黻劉巨濟等題記內有浦江旌表孝義鄭氏
一印下有鬻質假贈茲爲不孝一印此紙紙墨如新

宋印累累其間舊印多有與前帖印記相符者詳爲
考訂然非此序原題按米氏鑒收法書元章以王維
雪景李主領毛徐熙梨花易得蘇洵家蘭亭一本有
米元章跋贊及范王諸公題記者此紙是也其元章
跋贊二百十二字小行書甚精爲明成化時翰林陳
緝熙所收裝一僞本於前後多明人題識是卷余亦
見之昔文休承有云褚模真跡陳緝熙已刻石行世
陳好鉤摹遂搨數本亂真又分散諸跋爲可惜耳是
知蘇氏原本與此紙並元章跋贊既經分佚不復有

延津之合也原本不知流落何所此紙爲卞少司寇
所有裝於卷後然無害於真蹟余恐復蹈聚訟之誚
遂述之非徒鑄舌也後龔開等跋雖真亦非原跋此
卷曾經項氏所收內多墨林諸印

趙模行書千字文卷

白紙本色澤光潔墨氣煥然卷畫烏絲界行紙起隱
紋若琴斷行書一百三行每接縫處有伯機印章前
有李澄審定真蹟衛青及子孫世昌二白文印紙邊
又一墨印後有米姓之印四十三代天師章虎林隱

吏笄子之裔等印內舊印繁多文皆難辨前書行書
千字文太子右監門府鎧曹參軍事臣趙模上是知
此卷當時呈進唐文皇者後紙郭天錫宋濂二跋郭
跋有云此書趙模集右軍千字文聖教序結體全類
此本咸亨三年去貞觀末年二十四年矣當時此書
傳世已久故字字規模也按此跋是天錫以懷仁書
雖習右軍其實本之於此余每觀董文敏跋語中亦
以聖教序爲懷仁書以此觀之二公所見良合書苑
所云豈爲定論

顏真卿潘氏竹山堂聯句冊

絹本原屬大幅改裝冊子正書字大如小拳結字端
嚴運筆裕如有天然沈著之氣非諸刻本光硬版實
者比誠爲至寶宣和書譜所載復經紹興內府所收
前宋綾隔水宋紙標籤書顏魯公竹山連句詩帖上
上品字亦古雅本絹上下角鈐紹興連珠大璽鈐縫
押緝熙敬止朱文印又一古印莫辨詩前書竹山連
句題潘書光祿大夫行湖州刺史魯郡公顏真卿啟
並書下押珍祕及希世之寶子孫寶之皆明百寶齋

印詩後書會大厯九年春三月月字下有一舊印粉糊難辨上下鈐紹興連珠大璽宋綾隔水鈐押御府之印晉府圖書二大印又鈐張氏珍玩容齋清玩二印後紙米元暉題右顏真卿書竹山書堂詩真蹟臣米友仁鑒定恭跋並王元美昆仲二跋此本爲真定相國家藏曩曾有人來售索價甚昂未幾聞之轉入宛平相公家矣以爲不能復覩相去三十餘年復得一見是知與翰墨有緣也

湖州帖

一名江外帖宣和書譜所載牙色紙本紙質堅厚墨氣如新行草八行字大如小拳後欵真卿白用筆與劉中使帖絕相類二帖皆宋宗室趙與懃所藏之物也此帖前黃綾隔水有內省齋白文一印青綾標籤金書顏魯公湖州帖六字上押一寬邊朱文小印本帖前有宣和紹興內府書印下角鈐稽察司半印後政和小璽紹興連珠大璽機暇清玩之印又紹興連珠小璽及張氏珍玩北燕張氏寶藏二印後紙有秋壑圖書歐陽元印卷多項墨林家藏印余收有魯公

自書誥並裴將軍詩書誥有蔡忠惠米元暉董思白
跋裴將軍詩曾經王弇州所藏有曹武惠跋二卷世
稱名跡今皆無存然裴將軍詩不無疑議云

柳公權小楷度人經卷

硬黃紙本烏絲界行公權書於上都昭成觀者道士
孫文杲較勘內供奉長孫公受界造有唐開成三年
歲在戊午正月十六日記此卷宣和書譜所載紙墨
精妙內淵字世民字皆諱筆後有大順元年二月十
九日華山道士魚又元小行草書題於本文紙末字

字飛舞有天眞煥發之妙前鈐宣和小璽宣和連珠
大璽及半鈐四印後鈐大觀宣和二璽又二舊印其
文難辨後紙鈐政和連珠大璽以及張晏私印端木
家藏一印內有馮子振趙巖宋濂題識後附陸深一
札與蒲汀老師者卷經項子長所藏

蒙詔帖

白麻紙本行草七行字大小相閒大者如小拳此帖
末角押紹興連珠小璽前宋綾隔水鈐瑞文圖書朱
文印賢志堂白文印後隔水有瑞文圖書木天璽

趙氏子昂喬氏簣成齊郡張紳士行王常宗陳彥廉
及韓氏等印快雪堂曾經入石

李郢七言詩稿卷

白紙本烏絲界行紙墨精彩每接縫押宋內府睿思
殿印小行草詩四十一首前書李郢七言詩大中十
年楚望十一字卷前下角有朱文柯九思敬仲印末
有柯九思白文小印朱文敬仲書印前後有朱文合
同鈐縫朱耀家藏等印後隔水押羣雅齋常宜子孫
印按公詩鳴於唐却無書名然此書本柳諫議又別

有風韻考大中去開成未遠是時誠懸書名滿天下
臨池自必規模也想見前人無一不從有本處求之
公書世無二蹟此卷爲元柯敬仲鑒藏後柯跋內有
嘗見宣和所收許渾詩稿精緻亦如之足以見唐人
所尚風流餘韻令人興起之語以此觀之唐人詩稿
大都類此是知真蹟無疑入明曾經項墨林所藏鑒
家豈無見聞詳觀項氏諸印字文多有殘缺必是墨
林晚年所購諸公未及一見故名不朗朗余何幸獲
此至寶後紙有宋宣和六年樂全居士一跋下注公

姓張名確字子固及元柯九思陳繹曾周仁榮張翥
四題

僧懷素自敘卷

白麻紙本大草書墨氣紙色精彩動人其中縱橫變
化發乎毫端奧妙絕倫有不可形容之勢前蘇舜欽
補寫六行非紙色稍異難辨爲宋人書引首李西涯
篆書藏真自序四字描金變雀宋綾隔水上押羣玉
中祕大印及秋壑圖書每接縫鈐建業文房之印許
國後裔四代相印趙氏藏書等印序後書大應丁巳

冬十月廿有八日後有蘇耆李建中二題又昇元四年二月日文房副使銀青光祿大夫兼御史中丞臣邵周重裝題記一行上蓋建業文房之印又崇英殿副使知崇英院事兼文房官檢校工部尚書臣王題御一行其名磨滅四題書於本序紙末後紙有杜衍蔣之奇蘇轍邵鰈蔣璨曾紆趙令時蘇遲富直柔題又吳寬李東陽二跋後續文太史墨搨一跋及文承所書釋文卷拖尾文壽承墨蹟又題觀於陳朝孫氏並項墨林注其價值千金卷多項氏印記

苦筍帖卷

細絹本墨氣精彩草書十四字超妙入神前隔水有
金書月白絹標籤題唐僧懷素草書苦筍帖九字非
徽宗書用筆類小米帖內有御書瓢印及宣和連珠
璽考宣和書譜此卷未經載人然此二印似少生動
必爲後人蛇足其乾卦圓璽紹興小璽歐陽元印俱
真中多古印難辨後紙小米題右懷素書苦筍帖臣
米友仁鑒定真蹟恭跋右下角押士奇之印米題後
上押內府圖書之印又聶子述題又寶慶改元九月

九日重裝松雪記松者不知何許人後項墨林行書
一跋學米書款墨林項元汴敬題隸書七字甚雅

論書帖卷

粉花白紙本光潤可愛章書九行字字規法右軍不
作縱橫之勢宣和七璽全備前黃絹隔水金書標題
已闕後紙絹隔水有紹興連珠小璽後紙押內府圖
書之印及秋壑圖書卷尾項墨林小篆書兩行後有
張曼趙孟頫二跋又項墨林一跋

僧高閑半卷千字文

白紙本前文已闕後自莽抽條起草書共五十二行
字大三寸及二寸許者紙墨俱佳筆法奇儻有自然
淳古之氣發乎豪端款吳興高閑書後押林左臣白
文印喬氏簀成白文墨印喬氏真賞朱文印每接縫
處鈐箕子之裔朱文印末上角有朱文樞字印卷爲
鮮于太常所藏雖闕無害爲名蹟後紙有天台林祐
一跋內云按林蘊撥鐙序曰林嘗學書於盧安期安
期授以撥鐙法推拖撚拽四字之語今觀此書豈閑
亦用撥鐙法耶

唐臨黃庭經卷

硬黃紙本研絲界行書法瀉古墨氣煥然唐人臨本
無疑前宋綾隔水首題唐臨黃庭經楷書五字類宋
高宗書此卷首押雙龍圓印下角押一半鈐古印文
不能辨接縫處有內府圖書希世之珍等印後押紹
興連珠小璽下角有鮮于半印接紙有嘉定間東陽
滕姓一跋後綾隔水董文敏小行楷兩題皆謂鍾紹
京書後有元陳繹曾題贊章草甚精又至正間管輅
一跋書法亦甚古雅卷尾吳江村題此爲梁摹非也

卷中郭氏吳氏劉氏等印繁多未錄嘗見朱高宗
黃庭一卷白紙本押奉華堂小印有邵亨貞張海夫
跋者用筆結體全類此書渾厚天真了無差別是時
此卷曾收紹興御府機暇之餘自必規模以致得其
神髓觀此始知高宗臨本所自出耳

唐臨右軍二帖冊

此冊臨十七帖中瞻近漢時二帖紙本每行真草前
後相間神彩煥然唐人墨蹟無疑用筆有入木三分
之妙前瞻近一帖真草十二行前闕六行鈐縫押趙

氏子昂朱文印後漢時一帖真草十行前闕二行前
押鷗波連珠朱文印鈐縫押趙氏子昂朱文印二帖
皆爲趙文敏補足後帖紙末文敏書右唐人所摹帖
不完因爲補之款子昂下押趙氏子昂朱文印帖有
子子孫孫永保白文印特健藥朱文長條印及白文
永存珍祕凝清軒永和堂印後紙有鄧文原袁桷張
嗣真虞集吳寬題識考此冊原本三帖前有司州一
帖無存

北宋

徽宗瘦金書千字文卷

白紙本朱絲隔欄字大寸許每行十字首書千字文
後書崇甯甲申歲宣和殿書賜童貫上蓋御府之印
朱文大璽前後有長樂未央及雪堂二印

欲借風霜二詩帖

白紙本前七律一首後五律一首瘦金書十行清勁
峻拔飄逸不凡左下角押魚雁無恙白文小印

王著草書千字文卷

粉花白紙本烏絲界行草書一百四行前後收藏印

記累累鮮豔奪目。前有半鈐乾坤小圓印。首尾押中書省朱文大印。卷首書千字文。敕員外散騎侍郎周興嗣次韻。每接縫有困知勉行朱文長印。文後又書草書千字文五字。下有忠孝之家寬邊朱文印。後一行款書侍書王著書小草甚佳。後有周越一跋。書於黃素上。織藍絲界行。此跋接連前文鈐張氏珍玩東華山房二白文印。跋後有秋壑圖書等印。世傳著書惟此一卷。行筆可謂珠圓玉潤。更兼周越一跋。亦所罕覩者。後有歐陽元長跋。歛書廬陵歐陽元跋。袁侍

御亨伯家所見至正丁酉七月初吉下押白文歐陽
元印又項墨林一跋

李宗諤銅魚帖

粉花白紙本色澤光潤行書五律一首計七行前鈐
貞元半印下角押緇雲葉氏朱文大印曾經明王氏
爾雅樓所藏詩送士龍腹兄者款書從表弟翰林學
士李宗諤上

李建中土母帖

深牙色紙本行書十行用筆沈著猶存唐之遺風有

歐陽率更法款書一押字帖前有一半鈐舊印並半
鈐葫蘆印下角有畏字編號爲項氏所藏者相傳西
臺此書本有六帖宋元明皆有題識今惟見此帖及
金華姜眉文江蕭引高制河王尹實獨山王偁四跋
其五帖並宋元諸跋不知歸於何所

林逋秋深三君二帖冊

牙色紙本前一帖行草八行前鈐朱文連珠半印難
辨下角有沈周寶玩子孫永保其用朱文二印帖與
珖兄座主耆後一行書暫倩一人引此僕去章八郎

家後一帖行草十一行末角有沈周寶玩印後三行
書所託買物錢二索省是前人留下尙恐未足餘俟
面致多感多感下押朱文四州安撫制置使之印後
紙押朱文三大印文難全辨二帖騎縫鈐朱文四州
安撫制置使之印前印首李應禎篆和靖處士真蹟
六字於藏經紙上款書吳郡李應禎題後有謝升孫
陳頎吳寬三跋及沈周吳寬李東陽張淵陳頎追和
東坡題處士詩韻並程敏政詩題嘗見和靖自書詩
五首較此二帖結體稍肥確類李西臺本帖紙有蘇

文忠題詩於後卽沈吳諸公和韻者王弇州昆仲皆有跋今爲吳門徽人汪氏所得

葉清臣大旆帖

白紙本行書十三行後書清臣再拜資政大諫天休十兄防閣七月五日

范仲淹與尹師魯二帖卷

前七月十四日劄白紙本行書十三行內有文正十六世孫謹藏圖書印前後收藏舊印難辨後四月二十七日劄淡黃紙本行書十一行前後押有收藏印

印此二劄用筆清勁如道服贊結體全不相類後有樓鑰洪邁楊萬里胡助柳貫黃潛鄭禧劉魁戴仁吳寬王世貞題此卷本三帖今闕其一高詹事跋內已及之文正道服贊真蹟後有文同及宋元明諸跋

范純仁軒馭帖

白紙本行書九行與伯康君實二兄內有忠孝世家瞻衮堂白文印南昌袁氏家藏珍玩子孫永保朱文大印後有明安國玩吳興二字連珠王濟賞鑒過物及項氏諸印

范純粹故人帖

白紙本行書九行前有珍祕二字白文印半鈐永寶
用朱文印下角半鈐寬邊大印後有鑒古堂朱文印
又之末朱文大印前二字模糊莫辨下角半鈐寬邊
大連珠印及項氏收藏印

沈邁屯田君帖

白紙本行書九行有浦江旌表孝義鄭氏朱文印
項氏諸印

錢公輔別久帖

淡黃紙本行書十五行前有浦江旌表孝義鄭氏
後下角有審定真蹟朱文印及項氏收藏印

歐陽修上恩帖

淡黃紙本一名杜門帖行書十六行後書端明侍讀
留臺執事三月初二日上蓋六一居士朱文寬邊大
印

灼艾帖

白紙本行書六行字大如錢後書修再拜學正足下
廿八日帖內一朱文葫蘆印又前後四印後有李東

陽詩跋書於鏡面箋上

蔡襄謝賜御書詩卷

澄心堂紙本潔白若玉墨色如漆正書大小三十七
行宋人墨蹟中之錚錚者紙四接每接縫用小合同
印後有米芾文及甫吳禪客謝克家崧鮮于樞趙孟
頤胡儼解縉紳吳牧宋洵劉真尹昌隆趙友同夏元
吉吳寬陳繼儒董其昌題識卷前半鈐一寬邊大印
下又半鈐三印前後有喬中山王芝華亭黃氏等印

持書帖

白紙本行書十四行後書上賓客七兄執事八月二十四日上蓋蔡字腰圓朱文印前下角鈐寬邊朱文半印惟存之印二字快雪堂曾刻

暑熱帖

淡牙色紙本行書九行前六行後書裏上公謹左右又續書三行云牯犀作子一副可直幾何欲託一觀賣者要百五十千帖末角有和叔寬邊一印並黃美之項子京等印

離都帖

白紙本行草十一行前九行後書襄頓首杜君長官
足下七月十三日又續書二行云貴眷各佳安老兒
已下無恙永平已曾於遞中馳信報之此帖押有孫
琦之印

山居帖

淡黃紙本行草九行後書襄再拜戈才陳弟足下謹
空帖有大雅句曲山莊二印以及笠雪并李鑒孔收
藏印

八帖冊

一山堂詩帖白紙本正書七言絕句二首後書十二
日山堂書此帖相傳董文敏陳眉公皆定爲雙公
細閱之非也二中間帖白紙本行草十行字可經寸
後書襄泰書五日末角押一舊印三蒙惠帖白紙本
行楷四行襄上公謹太尉左右前後有鈐縫半印四
十一月帖白紙本草書十一行後書襄再拜知郡司
門足下前有吳炳王延世印後有居貞一印快雪堂
曾刻五層從帖白紙本行草六行又名新茶帖後書
襄上公謹太尉閣下前後有鈐縫半印末下角有舊

溶之印戲鴻堂會刻六京居帖白紙本九行此帖真
行草法備俱後書襄頓首知郡中舍足下謹空九日
八日七入春帖白紙本草書十一行後書正月十八
日襄頓首公綽仁弟足下八門屏帖淡黃紙本與推
官呂君者正書十七字共四行紙邊有寬邊半印惟
存圖書二字考此冊本十紙後有倪瓚袁凱陳文東
陳迪題識在明曾經錫山華氏所收有真賞華夏二
印後歸項篤壽家每幅有項氏收藏印後經散佚惟
存五帖並元明四跋其中十一月扈從門屏三帖乃

後增入者

大研帖

淡牙色紙本正書八行後書裏上彥猷足下二十一
日甲辰閏月帖前有半鈐大印又委角長條半印末
角押和叔寬邊一印並黃琳美之收藏印

思詠帖

白粉箋紙本草書十行前八行後書裏頓首通理當
世屯田足下又續書二行云大餅極珍物青甌微粗
臨行匆匆致意不用悉帖前有半鈐三印末角有全

卿朱文長方印

謝瑛帖

白粉花紙本行草九行後書襄送正月十日內有二
舊印並黃美之季滄葦收藏印

陶生帖

白粉花紙本草書十行字大小不一有經寸者有寸
半者前九行後書正月十一日襄頓首又續書一行
云家屬並安楚椽旦夕行

富弼溫柑帖

深牙色紙本行書十四行帖與蔡君謨者前書彌修
建墳院得額已久先人神刻理當崇立後書溫柑絕
新好盡薦于几筵悲感悲感弼又啓前押衍極堂朱
文印下有子敬白文大印後押楊嘉壺中丹室黃休
伯陳眉公等印

文彥博內翰帖

淡牙色紙本行草十行字大寸許前書彥博啓後書
幸聽愚者之言款彥博二字連爲一押前有半鈐舊
印惟存印痕後鈐半印似天興二字

司馬光天聖帖

深牙色紙本正書十七行結體端嚴兼帶隸法前後
半鈐五印又一白文韓氏之印後書涑水司馬光五
字考此帖乃陳亞之洎詩稿中跋尾未審何時分佚
張方平名茶帖

一名錢塘帖粉花白紙本行書六行前書賢郎在侍
下留錢塘也後書方平啓後紙吳匏庵小行書一跋
甚精又一跋無款字亦不俗下押陳姓一印

趙抃山藥帖

白紙本行書七行後書海柑四十顆容易爲獻皇恐
皇恐內多項氏印及李氏鶴夢軒收藏印

呂公弼子安帖

淡牙色紙本行書六行前書子安學問博瞻材智深
遠後書公弼再拜帖內有何氏元朗柘湖居士及項
氏諸印

王安石書楞嚴經旨要卷

白紙本小行書七十四行紙性堅緊光潔如新荆公
作字黃太史評有橫風疾雨之勢觀此良不虛也此

卷首書大佛頂如來密因脩證了義諸菩薩萬行首
楞嚴經後書余歸鍾山道原假楞嚴本手自較正刻
之寺中時元豐八年四月十一日臨川王安石稽首
敬書前後有大雅松雪齋趙氏子昂陳惟寅印後紙
牟巖之王蒙題識項墨林一跋帖有項氏諸印後經
曹秋岳所藏

過從帖

白紙本行書六行上通判比部閣下帖首有浦江旌
表孝義鄭氏朱文印下角押濟之朱文印末角有永

邨祕藏清玩及陳繼儒印

韓絳寄冲師長老詩帖

白紙本行楷書八行前書絳隅成拙頌寄冲師長老
穎川韓絳上後書七言絕句一首帖前半鈐一印末
角朱文清森閣書畫印何氏元朗白文印及項氏諸
印

陸見帖

白紙本紙墨俱佳行書十三行前九行後書絳再拜
從事同年兄十七日後續書四行託致錢塘知縣舍

弟太祝處帖經項氏收藏前後半鈐六印後紙邊印
一朱文上字

韓繹瞻懷帖

白紙本行書十三行字大如錢前書繹頓首再拜留
守司徒侍中末書十一月一日謹空下角一半鈐舊
印曾經項子京吳江村所藏

韓縝欽聞帖

白紙本行楷五行字法顏平原前書縝欽聞制命後
書縝又上前後空紙皆項氏印章

呂大防白慈帖

白紙本行書六行前書大防頓首後書大防頓首
書右丞台座帖內有項氏印章及何元朗石湖居士
印

示問帖

白紙本行楷九行運筆類蔡忠惠後書大防頓首運
使質夫使君九月十六日帖首有口口義士之家朱
文大印末角押朱文李氏圖書之印曾經項墨林收
藏

唐炯珍翰帖

白紙本行書五行前書炯啓征局冗坐忽辱珍翰後
書炯再拜彥遠尊兄侍史午刻前有浦江旌表孝義
鄭氏印後下角有審定真蹟朱文印內多項氏及李
氏鶴夢軒印

孫甫虞候還帖

白紙本行書十一行前書甫啓虞候還附手啓必已
呈左右後書甫手啓子溫運判屯田同年侍史三
廿六日謹空帖內有橘里清賞朱文印橘里清賞

文印清森閣書畫印何氏元朗項氏收藏印

蒲宗孟夏中帖

白紙本行楷九行前書宗孟頓首夏中蒲兵還辱榮
翰遙懷德誼無時暫忘後書宗孟頓首知府鈐轄子
中待制十二日內有河東二字朱文一印蓋於十二
日上前紙邊半鈐朱文二印帖經項氏收藏

章惇會稽帖

白紙本行書六行前書會稽尊候萬福後書冀盡從
容惇別紙後押張氏圖書朱文寬邊大印有浦江旌

表孝義鄭氏及項氏印

蘇軾洞庭中山二賦卷

白紙本行書字大如錢賦前書洞庭春色賦五字計
三十二行後賦前書中山松醪賦五字計三十五行
文忠自題十行云始安定郡王以黃柑釀酒名之曰
洞庭春色其猶子德麟得之以餉予戲爲作賦後予
爲中山守以松節釀酒復爲賦之以其事同而文類
故錄爲一卷紹聖元年閏四月二十一日書洞庭表
遇大雨留襄邑書此東坡居士記前粉箋引首六原

喬宇篆坡翁詩翰四大字於上後有至元陽王穉登王弇州昆仲題
姓一跋並明黃養正李東陽王穉登王弇州昆仲題
又弇州付陳從訓一札未有張孝思一跋卷首題
德忠正朱文大印前後有張則之張應用等印外籤
乃弇州書

新歲展慶人來得書二帖

二帖皆白紙本乃坡翁傑作前帖行書十九行後帖
行書亦十九行皆與陳季常者前帖前下角押一朱
文大印後上角鈐御府書印接於後帖後帖有御府

寶繪朱文大印後上角鈐御府朱文半印二紙舊印累累及項氏諸印後董文敏跋於綠絹上字亦甚精有杜老所謂須臾九重真龍出一洗萬古凡馬空之句快雪堂曾經刻石

寒食詩卷

牙色紙本行草書字前小後大黃山谷大行書題於後又董文敏小行書一跋俱書於本詩紙上前黃綾隔水上押天厯大璽下押稽察司半印又鈐寶璽齋清玩朱文印前下角有琅琴閣珍藏印北平孫氏

小朱文印接縫鈴朱文寬邊舊印黃跋前接縫有容
齋葫蘆印董跋後又一寬邊舊印下角押轉運使朱
文大印二印其文不能全辨後紙有張氏珍玩北燕
張氏寶藏二印後一跋款三晉張縝季長甫懿文堂
書下押懿文堂圖書一朱文大印黃跋已見鴻堂帖
中內董跋云余生平見東坡先生真蹟不下三十餘
卷必以此爲甲觀已摹刻戲鴻堂帖中董其昌觀并
題

覆盆子帖

白紙本行草六行後書季常先生一書并信物一小
角請送達軾白帖經項墨林收藏

子高帖

畫花粉箋本行草五行上子高朝請其字前小後朝
請二字倍大帖有黃休伯陳眉公印

職事帖

白粉蠟紙本行書十行後書主簿曹君親家閣下八
月十九日內九字爲改筆下角有兩山道人朱文印

功甫帖

牙色紙本行書二行共九字書蘇軾謹奉別功甫奉
議前後半鈐四印雖其數字甚佳

書杜工部攄木詩卷

澄心堂紙本行草書前杜詩一首計七行後自題十
二行凡見蘇文忠公書用墨太豐此卷字畫沈着用
墨濃淡中較豐墨者別有生動之趣亦紙之使然耳
卷首押叡思東閣朱文大印下角有東海郡圖書記
白文印接縫處鈐遼海王氏朱文印下押賈洵朱文
印尾有紹興連珠小璽後跋金華胡長孺淮陰湯炳

龍鄜川劉鉉眉山程邨龍泉陳象祖廬山連璧富春
潘夢得大德辛丑立冬日同觀於胡氏顏樂齋又王
執謙黃玘張翥吳叡鄭元祐危素金冕志姚廣孝謝
理等題

書子由夢中詩帖

白紙本行草八行前書元豐八年正月且日子由夢
李士甯草草爲具夢中贈一絕句云詩後書明年閏
二月六日爲予道之書以遺過子款坡翁二字此帖
乃與叔黨者前下角有朱文半印惟存圖書二字

一夜帖

白紙本行書七行前書一夜尋黃居來龍不獲後書
軾白季常廿三日內季常二字倍大前後空紙有項
氏收藏諸印

東武帖

白紙本行草五行前書東武小邦不煩牛刀後書真
州房縉已令子由面白悚息悚息軾又上帖首空紙
上有鮮于朱文半印下有金淵南陽家藏朱文二印
下角又朱文半印後餘紙有一之二字下押白文金

應桂印孟頫二字下押趙氏子昂朱文印南陽仇遠
家藏六字傍押仇几之印南陽仇氏山村居士三朱
文印帖中有周馳景遠章石民瞻白文等印後有朱
文鹵白葫蘆印以及四世五公漁陽朱文二印後連
淡黃元箋有廬山黃石翁鄧文原二題

見戲耳聾詩帖

白粉蠟紙本行書十一行一百五十二字起句君不
見詩人借車無可載留得一錢何足賴末二句須防
額痒出三耳莫放筆端風雨快後書次韻秦太虛見

戲耳聾此詩已見集中末下角有一朱文舊印

蘇轍車馬帖

白紙本行書十二行前書轍啓頃承車馬按部後書
轍再拜提刑國博執事六月九日帖有項氏及李氏
鶴夢軒等印

蘇邁辱書帖

淡牙色紙本小行草十行前書邁頓首再拜主管學
士坐下屏書愈勤感不勝道後書邁頓首再拜主管
學士坐下前後多空紙拥有陳氏印章

蘇氏一門十二帖冊

此冊嘉禾曹秋岳所集前二帖皆淡牙色紙本一道
中帖行草十六行二相見帖行草十行此二帖前人
定爲老泉書後上角俱鈐朱文趙氏半印下角俱押
毗陵開國朱文大印書法類爭坐位宋人無疑然洵
字似非三點水傍惜老泉書傳世絕少相傳有臨顧
一帖與君懿者恨未一見後東坡二帖一久留帖金
花粉箋本行書四行前紙邊半鈐朱文私印二字二
屏事帖粉花牙色紙本正書三行前紙邊亦半鈐朱

文私印二字又穎濱六帖皆淡牙色紙本
行書八行前下角押文安開國朱文大印二見
行書十一行三新晴帖行書七行四固守帖行書三
行五安勝帖行書六行六晴暖帖行書六行此六帖
皆短札與王定國者又叔黨二帖一建茗帖白紙本
行書九行頗得家法後書告借一白直句木匠嚴九
者欲令作少生活明早至幸甚幸甚二贈遠夫詩帖
白紙本正書七行前書贈遠夫款書眉山蘇過其詩
忠獻活邦國名與崧岱尊淒涼幾年後贈印王其門

遠夫天下士秀氣鍾璵璠從來萬夫傑不產三家村
公其往繼之要使風流存此冊每幅皆有曹氏印章
蘇氏一門十一帖冊

此冊卞氏所藏前東坡五帖一作書帖白紙本行書
三行首書尊丈不及作書後書軾又白末角有朱文
廷字小印曾經吳江村所收京酒帖白紙本行草
三行前書京酒一壺送上後書軾上道源兄十四日
三寶月帖白紙本行書四行前書大人令致懇為難
了禮書後書軾頓首帖中有通白朱文一印末角有

朱文廷字印

四

啜茶帖白紙本行書四行前書道源

無事只今可能枉顧啜茶否後書軾上恕草草

五令

子帖白紙本行書四行字有大如錢者前書令子所

示專在意後書軾手啓末角押朱文廷字印五帖俱

短札又穎濱四帖皆牙色紙本一喜雪帖行書五行

首書轍啓雪甚可喜宴居應有獨酌之樂後書轍頓

首定國承議使君廿三日

二

惠教帖行書四行十五

字書承教惠兒子相次上謁轍上定國閣下

三

晴寒

帖行書五行前書轍啓晴寒履况清安後書廿七日

四文字帖行書三行書安君文字今日已晚來日督之次海卽催之改中無復義理可爲太息此四帖皆短札俱有曹氏印章必在曹冊中取出配入者又伯達台眷一帖淡黃紙本小行草五行共二十五字前後所留空紙約有尺餘書邁拜問台眷一一萬福別紙所悉尙容細處之它委勿鄙邁拜問又叔黨試後四詩一帖淡黃紙本行書十九行前書試後四詩一呈吳開府兩絕句一呈儀真張使君七律一首一寄如皋葉尉五律一首此帖有曹氏印章亦自曹冊中

拆入者較前曹冊二帖更勝冊後有宋人王安中
并二跋皆非原題冊前有老泉臨顧一帖卞氏拆去未
得一見

黃庭堅松風閣詩卷

粉花白紙本正書二十九行字大如小拳筆法精奧
紙墨俱佳首書松風閣三字其詩已載集中卷前上
押皇姊圖書朱文大印又半鈐一印下角有一殘缺
舊印後不書款有宋賈氏封字大印悅生葫蘆印似
道秋壑二印皆朱文又仇英朱文小印十洲朱文葫

蘆印然仇氏印章皆實父自作畫中用之凡古人書畫中未見之亦所希有者後紙有嘉定閒向姓一跋其名難辨嘗見李成茂林遠岫圖亦有其題識攷向姓字若冰在宋三世好古收藏甚富其家所蓄後爲賈似道致多豪取此卷有賈氏諸印蓋當時取於向氏者卷經孫少宰退谷監收觀庚子銷夏記少宰失攷不許其人故及之後有元魏必復李洄張珪王約馮子振陳顥陳庭實李尤魯翀李源道袁桷鄧文原柳贊趙巖杜禧十四人皆奉元大長公主命題者內

多項氏印章余又見涪翁正書漢人得道隆長生
原屬長幅未審何時改裝冊頁有明賢題識書法亦
佳

廉頗藺相如傳卷

白紙本大草書紙墨皆精首押紹興連珠大璽下有
內省齋白文印前有半鈐朱文印紙計三十接每接
縫押內府書印並紹興連珠大璽後不書款本傳拖
尾押紹興連珠小璽並紹興腰圓朱文小璽秋壑圖
書朱文大印後拖尾有歐陽元印卷經項氏所藏

草書談道章卷

淡黃紙本長三丈四尺有奇書凡十章每章題目皆

翁本色正書大一寸五分許其文大草書第一章祖教

迴異第二章學難得妙第三章問來祇對不得第四章無指

的第五章自樂僻執第六章問答須知起倒第七章言行相

扶第八章一句子第九章古今大意第十章僧德潤贈道者

其後正書自題雲頂山德敷談道廿章傳燈但錄十

首去取亦未必盡然窮僻處无文字但隨傳燈書之

耳書至此腕中痛欲脫都不成字自不可讀古人作

草云意在筆前又云有錐畫砂法銀鉤蠶尾折釵股
筆又有屋坼壁漏觀公主家檐夫爭道公孫大娘舞
劍舞器瀏離渾脫乃能造微入妙故可貴也若余所
作草無復有是又未曾規行矩步學古人但隨意塗
令紙黑耳不知世閒人那用求討懷藏耶後押山谷
道人朱文大印此卷草書法懷素神彩煥然與廉蘭
傳並傳於世在明二卷俱經項墨林鑒藏卷有子固
白文印彝齋朱文印歐陽元白文印楊氏家藏朱文
印禾李氏吳江邨等印以及項氏諸印

花氣時帖

白紙本七言一首行草五行字大有如小拳者其詩
花氣熏人欲破禪心情其實過中年春來詩思何所
似八節灘頭上水船前有貞元連珠半印前後下角
押朱文緝熙殿寶此詩書法精妙神氣煥發每見涪
翁大草書其間雖具折釵股屋漏痕法然多率意之
筆殊不滿意此書無一怠意或因詩句短少使然余
嘗以黃書小行書柬札爲第一正行大字第二大草
書第三若大草書如此詩者不能多觀也

苦筍賦帖

淡牙色紙本小行書十一行起句余酷嗜苦筍諫者
至十人末後引太白但得醉中趣勿爲醒者傳二句
其文已載集中後上角押朱文古篆大印前後有陳
定吳楨等印

垂顧帖

白紙本行草十三行前書庭堅頓首後書庭堅頓首
齊君足下前下角押景父項氏韞韞圖書陽文墨印
末角有紹勲朱文葫蘆印

糟薑銀杏帖

淡牙色紙本行草五行帖左上角押一朱文半印下
鈐朱文寬邊半印項墨林厭字編號又一景父項氏
韞齋圖書陽文墨印後下角有紹勲朱文葫蘆印及
項氏姚氏等印

天民知命帖

此帖涪翁所作家書一紙白紙本行書十六行字畫
純正不露鋒芒前書天民知命大主簿後二行書諸
孺子以下各小心照管孩兒門莫作炒切切前下角

押景父項氏韞韞圖書陽文墨印後一
文葫蘆印及項子京季滄葦等印俞貞木章一
甚精

雲夫帖

白紙本行書十八行前下角有項墨林讀字編號首
書雲夫七弟得書知侍奉廿五叔母縣君萬福後書
十月十一日兄庭堅報雲夫七弟帖有項氏諸印

南康帖

白紙本行書十七行前書庭堅叩頭後書庭堅叩頭

上無咎通判學士老弟五月五日帖末小楷一行書
朱翰林太史修神宗實錄分甯黃山谷庭堅魯直書
用筆清勁大類宋潛溪帖有鮮于朱文圓印並喬氏
諸印以及笄重光李宗孔等印

迎駕帖

粉花白紙本行書九行後二行書五鼓起迎駕作此
書極草草也考此帖卞氏書彙考於宋四大家卷中
亦曾記載錄有山谷道人白文一印雖未覩其墨蹟
然山谷此印未見有白文者且五鼓迎駕書既草草

無過一柬何用印記卽此不無疑議必從此帖
以憑人卞氏未考其詳而載之

君宜帖

白紙本行書八行後書德輿賢友足下帖前上角押
一半鈐墨印有魯直二字前後又半鈐三印及項子
長吳廷印章後下角押一半鈐墨印

惟清道人帖

牙色紙本紋起如琴斷行草十一行前下角半鈐朱
文寶邊大印後下角押緝熙殿寶內有項氏諸印此

帖快雪堂曾經人石

動靜帖

牙色紙本行書十行前後宋元璽印緋紅奪目及天
祿永昌等印前書庭堅再拜道塗瘦曳不得附承動
靜後書庭堅再拜上公蘊知縣宣德執事末角書臣
柯九思進入乃元文宗御府所收者

題葛稚川移居詩卷

白紙本大行書十一行卷前上下半鈐朱文大印其
詩莫言家具少於車藥裹衣囊自有餘老婦親攜三

穉子僊翁獨玩一編書羊牛相與趨新築雞犬應
戀舊廬是處山頭有丹井不知如此幾遷居款題山
谷道人因得觀而敬贊後上角押睿思東閣朱文大
印又朱文東海世家藏書畫印下角鈐朱文二印

米芾多景樓詩冊

淡牙色紙本原屬橫卷在宋已改裝爲冊擘窠大行
書七律一首每行有兩字三字者計四十一行詩後
自題云多景樓禪師有建樓之意故書前引首有古
篆朱文二大印後有崇甯元禊清明前一日劍川何

執中一跋內云在元度座上見者卽蔡卞也冊中每
頁押左史江氏朱文大印及檜字朱文印秦熺之印
此冊在明爲沐府所收上有黔甯王子子孫孫永保
之白文印沐璘廷章公餘清玩白文印征南將軍圖
書朱文大印後藍箋松雨老人一跋云冊爲檜熺父
子所藏陸沈悠久得歸素軒沐公忠孝世家視昔之
隕獲於誤國姦臣之辱萬萬霄壤矣冊有嘉興曹氏
大名成氏等印此詩已經刻石余曾見搨本

一珊瑚帖淡黃紙本前行草六行字大寸餘首書張僧繇天王上有薛稷題末珊瑚一枝四字倍大內墨畫一珊瑚筆架其形如叉甚爲奇絕下連一座左傍書金座二字後首又書七絕一詩帖之前後半鈐內府書印及大雅半印二復官帖白粉蠟紙本字大寸餘行書十二行首書一年復官不知是自申明前後半鈐內府書印及大雅半印後米元暉題右簡尺并珊瑚帖先臣芾真蹟臣米友仁鑒定恭跋後有季姓及天台謝在杼郭天錫楊肯堂施光遠焦源溥等

題二帖快雪堂曾刻

淡墨秋山詩帖

白紙本行書五行字大寸半其詩云淡墨秋山畫遠
天暮霞還照紫添烟故人好在重攜手不到平山謾
五年此帖少宰孫退谷曾經刻石

秋暑憩多景樓詩帖

白紙本行書六行字大寸許前書秋暑憩多景樓其
詩縱目天容曠披襟海共開山光隨眺到雲影度江
來世界漸雙足

惟未
入閩

生涯付一杯橫風多景夢應似

穆王臺帖前後上角俱有半鈐耆德中正朱文大印
穰侯出關詩帖

淡牙色紙本行書六行字大寸許帖首題高氏三圖
次行低二字題穰侯出關其詩云穰侯去國緩驅車
蔡澤還來取范雎惡客只應真可厭怪他漢相館邱
墟但此帖前題高氏三圖其詩自必三首後二首爲
人裁之耳

三吳詩帖

白紙本行書十行字大經寸前三行書蔽謹以鄙詩

送提舉通直使江西襄陽米黼上後七行書五言古
一首帖內有陳緝熙王弇州二家收藏印帖中有一
舊印惟珍玩二字可辨

砂步二詩帖

白紙本行書字大寸半分爲二帖前帖五行前書砂
步二字其詩砂步漫皆合松門若掩桴悠悠搖艇子
真似剡溪圖後一帖行書亦五行前書一又字其詩
已有扁舟興曾看過剡圖翻思名手盡誰復費工夫
二帖俱有半鈐合同印並中山喬氏衡山全卿張氏

趙氏等印

府公帖卷

白紙本光瑩如玉墨色如漆高一尺三寸長九尺餘
摩窠大書十六行每行皆三字兩字者書府公侍講
大庖過洞霄大夫公同集客蔡蕃晉孺史儼子莊徐
濤次山曾謂審言丙戌二月廿七日米芾題紙三接
每接縫鈐二舊印卷首有浦江旌表孝義鄭氏朱文
長印醫質假贈茲爲不孝朱文長印下角押子孫永
保白文印前邊紙半鈐三鄭並合同等印卷後上下

三才圖會卷之十一
三
鈐紹興連珠大璽及項氏諸印余所見海嶽大書以此卷爲第一如大字天馬賦秋夜詩皆上品之蹟今觀此卷二卷當作第二觀也

三帖卷

第一叔晦帖白紙本行書七行筆法清健前五行書余始興公故爲僚宦僕與叔晦爲代雅以文藝同好甚相得於其別也故以祕玩贈之題以示兩姓之子孫異日相植者襄陽米黻元章記以楚國米黻朱文大印蓋於米黻元三字上後二行書叔晦之子道奴

德奴慶奴僕之子鼇兒洞陽三雄蓋一朱文印
兒二字上交不能辨帖前鈐稽察司半印
帖白紙本行書五行字大寸餘書李太師收晉賢士
四帖武帝王戎書若篆籀謝安格在子敬上真宜批
帖尾也三張季明帖白紙本行書六行字大八分許
書余收張季明帖云秋深不審氣力復何如也真行
相間長史世閒第一帖也其次賀八帖餘非合書此
帖秋字下多一氣字從傍加點此三帖經項墨林所
收後有墨林一跋內多項氏印孫氏硯山齋已刻石

行世

鶴林甘露帖

白紙本行書七行筆法奇偉字大如小拳帖書米氏
有菴在鶴林甘露二刹今請法靜希巖二釋子攝主
人欲丐諸公各賦以光行色芾再拜前下角捆寬邊
朱文大印

伯老台坐帖

白紙本行草六行字八分許收藏諸印緋紅奪目前
書十一月廿五日芾頓首啓後書芾頓首伯老台坐

伯老二字大如小拳台坐二字次之甚奇前後上角
半鈐內府書印前後下角半鈐朱文大雅印又陸氏
半印並陳定收藏等印

鄉石帖

淡牙色紙本行書五行字大寸半書新得紫金右軍
鄉石力疾書數日也吾不來果不復來用此石耳後
元章二字款

紫金研帖

淡牙色紙本行書七行字大寸半書蘇子瞻攜吾紫

金研去囑其子八棺吾今得之不以敏傳世之物豈
可以清淨圓明本來妙覺眞常之性同去住哉帖前
下角半鈐稽察司印

提刑殿院帖

淡牙色紙本行書十行字大八分許前書芾頓首啓
後書芾頓首再拜提刑殿院節下帖經項氏墨林收
藏快雪堂曾刻

糧院帖

淡黃紙本字大經寸行草十行前書芾再啓懸子倅

車送去粮院欲推過他人不任其貴後書或攜示倭
佳芾皇恐

彥和帖

白紙本行書共九行字大經寸前六行首書芾頓首
啓後書芾頓首彥和國士後三行書本欲來日送月
明遂今夕送耳

真脉帖

淡黃紙本行書五行前書真脉一斤少將微意後書
芾皇恐頓首虞老可喜必相從歡

陳攬帖

白紙本行書六行前書昨日陳攬後書芾頓首再拜
參政帖

白紙本行書三行共二十七字書蘇太簡參政家物
多著邵公之後四代相印或用翰林學士院印芾記
帖內有季振宜白文印

寒光二帖

第一帖淡黃紙本草書五行字大經寸書向亂道在
陳十七處可所和及未寒光旦夕以惡詩奉呈花丹

想已盛矣脩中計已到官黻頓首第二帖書盛襲珍
藏榮感日夕爲相識拉出遂未得前見寒光之作固
所願也一兩日面納次黻頓首天啓親此帖淡黃紙
本色與前帖同草書五行字大寸許後天啓親三字
忽大如拳甚奇後絹隔水董文敏題云米老此尺牘
似爲蔡天啓作筆墨字形之妙盡見於此二帖曾經
項墨林所藏內有項氏諸印相傳曾經刻石行世但
未及見

四帖冊

第一元日帖淡黃紙本草書十行字八分許首書元
日焚香西北二吾友帖淡黃紙本草書十行字八分
許首書吾友何不易草體想便到古人也原本何字
下一必字點去不字旁注三中秋登海岱樓二詩帖
淡黃紙本草書十一行首書中秋登海岱樓作四兩
三日帖白紙本草書六行前一岱字首書兩三日未
解海岱咫尺不能到後紙有米友仁鑒定恭跋並都
南濠一跋考此冊原係九帖曾刻於停雲館法帖中
國初鑒家甚夥宋之四家墨蹟南北爭購吳門有一

二於書畫中取利者往往將柬冊分拆希獲
使名蹟分失如此今幸存其四餘五帖並蔣祝董三
公跋尾仍在天壤不知歸于何所此四紙每接縫處
俱鈐內府書印朱文大璽後帖有機暇清賞朱文璽
紹興連珠小璽鮮于困學印其中有黃休伯筮在辛
陳以御諸家收藏印

呂嘉問進職帖

白紙本行書十行前書嘉問衰晚無堪蒙恩進職易
郡悉出交游延譽之賜後書嘉問再拜帖有項氏收

藏印及何良俊印陸沈金馬門二白文印

趙令時賜茶帖

牙色紙本行書九行字類蘇文忠前書令時頓首屏
惠翰伏承久而起居住佳勝後書令時頓首伸儀兵曹
宣敎八月廿七日帖前下角有一朱文印後餘紙捆
臨川王氏朱文大印及朱文清森閣書畫印白文何
良俊印以及項氏收藏印

張商英女夫帖

白紙本行書九行前書商英惶恐女夫王瀉之蒙收

錄後書商英惶恐再拜帖有屠氏白文印

王素才德帖

白紙本楷書八行筆法瘦健前書素再拜啓陝右久
藉才德宣布天子之惠一方安肅實解朝廷西顧之
憂後書素再拜前有浦江旌表孝義鄭氏朱文長印
末角有審定真蹟朱文方印考素宋太尉旦之季子
也

王覲平江帖

牙色紙本行書十行前書覲再拜平江酒毛汝能乃

聖朝集卷之一
三
覲所辟置後書第勿令胡守知此意也覲再拜帖有
項氏諸印考王覲字明叟宋熙甯中人南宋有曾覲
未知孰是

李之儀別紙帖

淡黃紙本行草十三行前書之儀再啓伏讀別紙延
予加重後書之儀再啓

裴煜秀州帖

白紙本行楷十一行清勁絕俗前書煜啓久疎修問
後書煜再拜致政太保太初兄執侍二日帖有屠氏

二印案煜嘉祐閒人宋蘇才翁所藏唐摹蘭亭序後
有題識或卽其人也

林希風範帖

白紙本行書十四行前書希再拜前此四年嘗於武
林奉見風範後書長樂林希再拜劉君祕書文几二
月十三日手狀末有腰圓朱文印蓋於二月字上帖
有項氏收藏印

蔣之奇辱書帖

畫花白紙本行書九行前書之奇啓辱書承比來體

履佳愈後書之奇頓首彥和和州司戶二月二十日
帖前有浦江旌表孝義鄭氏印後上下半鈐二舊印
以及項氏李氏鶴夢軒等印

曾鞏局事多暇帖

行楷十三行書於印書紙背前書局事多暇後書二
十七日謹啓押曾鞏再拜朱文一印於七日上此帖
有項氏收藏印及朱文清森閣書畫印

曾布還朝帖

白紙本行書十行字大如錢前書布頓首還朝雖久

未獲一接緒論後書布手啓上質夫學士侍史前下角有珍繪堂記朱文印後下角有一朱文半印

守邊帖

白紙本行書十三行字大如錢前書布頓首再拜啓布區區承乏守邊辱在隣壤後書布頓首再拜上知府安撫資政左丞台坐謹空十八日前下角有珍繪堂記朱文印

曾肇奉別帖

深牙色紙本行書十六行大類蘇文忠前書肇奉別

行復歲暮傾鄉實倍常情後書歲晚益寒強食自愛
爲祝肇又上半鈐子敬等三印內有衍極堂楊嘉
尊杓三印後半鈐古心樓易菴二印帖經黃美之項
墨林收藏

曾紆草履帖

牙色紙本草書八行字大寸許前六行首書紆以道
半兩淖狼狽之甚欲煩左右置草履以濟兵卒後書
紆再拜久直知縣七哥後二行續書借一二十人來
相接左言帖前下角押珍繪堂記朱文印後下角押

一舊印模糊難辨

陳瓘仲冬帖

淡黃紙本行書十一行前書瓘啓仲冬嚴寒伏惟尊
候萬福後書瓘拜上思濟使君大夫十二姐縣君十

一月廿二日

陳暘七言詩帖

淡黃紙本七言律一首行書八行前書太常少卿陳
暘其詩行藝當年帝所聞聲名久矣動簪紳文場秉
筆淵源原師席談經業履醇白髮忽驚蒿里暮青衫

難問簪溪春兩京模範垂芳遠多少生徒淚滿巾帖
末押縉雲葉氏朱文大印曾經項氏收藏

錢勰先起居帖

白紙本行書四行首書先起居贈開府儀同三司司
空一帖末書付沈氏以防遺墜云帖中有一朱文大
印押勰字上又浦江旌表孝義鄭氏朱文印及黃美
之項氏陳氏等印帖前有三字編號

知郡帖

白紙本行書十行前書勰頓首祇啓知郡工部鈐下

後書勰再拜啓知郡工部鈐下六月九日謹空六月
二字上蓋朱文穆字一印帖前下角有珍繪堂記朱
文印前後半鈐三舊印

王翬冷淘帖

淡黃紙本行草六行字法蘇文忠前書翬已作冷淘
一杯幸如約也末書翬再拜帖有浦江旌表孝義鄭
氏印末角有審定真蹟朱文印

薛紹彭三時帖

白紙本行書十二行七言絕句三首其一簇簇深紅

閒淺紅苦才多思是春風千樹萬落花相照盡日經
行錦繡中其二村落人閒桃李枝無言風味亦依依
可憐憔悴蓬蒿底蜂蝶不知春又歸其三十日狂風
桃李休常因酒盡覺春愁泰山爲麴釀滄海料得人
閒無白頭款紹彭二字前下角有珍繪堂記朱文印
後無白二字上蓋朱文德壽堂書籍印此紙經孫退
谷收藏

得告帖

淡黃紙本草書八行結體精美全法王書快雪堂曾

經刻石前書紹彭再拜欲出得告慰甚審起居佳安
壺甚佳然未稱也後書紹彭再拜伯老太尉方壺附
還帖首紙邊半鈐殿印二字朱文印

昨日帖

淡黃箋本草書七行戲鴻堂曾刻首書昨日得米老
書云欲來早率吾人過天甯素飯後書幸照察紹彭
再拜帖前下角有一半鈐舊印內有項氏及黃氏陳
定等印

劉正夫又啓帖

淡黃紙本行書八行字類蔡元長前書正夫頓首又
啓遠辱手翰得聞佳履殊用慰感末書正夫頓首帖
內有二舊印並李君實何元朗項氏陳氏等印

王升杜門帖

淡黃紙本草書十行字大寸餘前書升再拜衰老杜
門多病久不承興居之間末書升再拜

邵鰲到京帖

深牙色紙本行書九行前書鰲啓到京俗事區區遂
不果後書鰲再拜存道良親司理閣下帖有項氏諸

印

來教帖

白粉花箋本行草七行前書鰈再拜鰈欲上狀而辱
來教仰佩勤眷何感如之後書鰈又上帖有浦江旌
表孝義鄭氏印又仁義里白鱗溪朱文印以上二印
皆鄭氏印

王巖叟清範帖

白紙本行楷十行結體端嚴全法顏平原前書巖叟
頓首啓闊遠清範日益以久第企鄉之心時至左右

後書嚴叟再拜知府安撫左丞資政二十三日
上蓋朱文寬邊嚴叟一印前下角有珍繪堂記
朱文印又嘉禾曹氏二印

張舜民潭州帖

白紙本行草三行字體奇古帖書又得潭州法帖一部
曾去人速不及表背希勿罪也舜民頓首後空紙
押腰圓一印又一朱文大印前後半鈐舊印有四文
難全辨

陳師錫歲晏帖

白紙本行書八行前書師錫頓首歲晏伏承德履休
佳後書陳師錫頓首方迴監郡宣德執事帖有山陰
賀氏一陽文墨印及項氏諸印

劉燾牛尾帖

白紙本行書四行帖書燾皇棟野人致牛尾輒庖治
寄獻願恕輕浼幸甚燾再啓後餘紙押毗陵開國朱
文大印前下角有一朱文舊印內二字難辨後上角
半鈐趙氏朱文大印內有嘉興曹氏收藏印

李彭家兄帖

白紙本行草十一行前書公關家兄得彼相從當甚
歡也後書未閒千萬珍重彭頓首帖前下角有一半
鈐舊印後有肇明二字朱文長印下半鈐金匱石室
之書及河東三鳳二白文大印

蔡京節夫帖

白紙本行書十行字大寸許後書京再拜節夫親契
坐前帖首有朱文半鈐舊印下有墨妙二字朱文連
珠印後有薛氏家藏王元美監賞等印京書評者謂
正書如冠劍大夫議於廟堂之上此帖亦然

蔡卞四兄帖

白紙本行書八行頗類京書字大經寸後書卞拜覆
四兄相公座前帖前角有寶玩半鈐朱文印末角有
沈氏半鈐朱文印曾經沈石田所收並項墨林李君
實何元朗等印

蔡脩子通帖

白紙本行書七行不失家法字大經寸後書脩啓上
子通都監帖有項子京李君實何元朗等印此三帖
按蔡氏父子兄弟姦邪諛國固非君子所取若其書

法之妙又不可以人非藝也

墨緣彙觀錄卷一

譚瑩玉生覆校